



UNIVERSITÄTS-  
BIBLIOTHEK  
PADERBORN

**Ethica Symbolica E Fabularum Umbris In Veritatis Lucem  
Varia Ervditione Noviter evoluta**

**Pexenfelder, Michael**

**Monachii, 1675**

4. Amicitia vituperabilis.

---

[urn:nbn:de:hbz:466:1-68709](#)

Plutoniis vinculis detentus didicit, quid sit in oreum, amici gratia (Pirithoi) descendere; & quid, fortiorum per amicum inde eluctari. Theseus viris fortissimis auxilio fuit, ut Meleagro in confiendo apro Calydonio, Pirithoo pugnanti contra Centauros, Herculi contra Amazonas, nulla ferò relato præmio, quod Herois est, virtutem & laudem, non mercedem spectantis.

III. (c) Jam quanti, quamque intricati atque implexi sunt in Aulis ac negotiis Principum Labyrinthi? peribit hic Theseus, nisi per fidam Ariadnen explicetur; Prudentiam intelligo Politicam & Polemicam, fidesque consiliarios, quorum directione ac ductu secura ponat vestigia Princeps. Hesiodi sententia est apud Lips. de civil. doct. lib. 3. c. 2.

Laudatissimus est, ipius qui cuncta videbit,

Sed laudatus & is, qui paret recta monenti.

Et Plinius in Paneg. Traiani: Singuli decipere & decipi possunt: neminem omnes: neminem omnes fecellerunt. Confirmat Salomon Prov. 24. *Salus, ubi multa consilia.* Veluti multa in glomere fila; haec quamvis subtilia, plus possunt, quam crassi rudentes, quia minorem volvuntur in globum, ut legantur securius; & citius explicantur in longum, quo ducant plures. Vir doctissimus meritò Bellum Labyrintho comparat, quem cuique semper ingredi licet, sed ingresso non semper egredi; ab eo sumptus absorbentur (Minotaurum cogita) existimatione prius concepta majores, Sfortia Palavicin. lib. 2. hist. Concil. Trid. c. 13. Et Sallustius in Jugurtha: Omne bellum sumitur facile, ceterum ægerrimè desinit; nec in ejusdem potestate initium & finis est. Illud incipere etiam cuivis ignavo licet; deponitur, cum victores velint.

IV. (d) Peccavit Theseus in amicitia cum Pirithoo contracta, temerè magis, quam sapienter. Nam quid? Pirithoo visum est uxorem ab inferis accersere; ergo amicus eius usque ad Stygem sequendus erat? In proverbiis refertur: *amicus usque ad aram.* Quod à Pericle, Duce Atheniensi clarissimo, profluxit; quem cum amicorum quispiam rogaret, ut in causa quadam, sua gratia falsum dejeraret, reposuit δει με συμπράττειν τοῖς φίλοισι, αὐτὰ μέχεται βάων. oportet me commodare amicis, sed usque ad aras. Olim enim jurantes aram tangebant. Hæc igitur prima lex, inquit M. Tullius, in amicitia sanciatur, ut neque rogiemus res turpes, nec faciamus rogati. Contra quam legem peccavit C. Blossius Cumanus, qui T. Gracchi in coniuratione socius, cum, ut sibi ignosceretur, causam afferebat, quando tanti Gracchum fecisset, ut quidquid ille vellet, sibi faciendum putaret,

(c) *Prudentia Politica & Polemica.* (d) *Amicitia vituperabilitas.*

taret. Rogatus à Lælio tūm temporis consule, etiamne si te in Capitolium faces ferre vellet? respondit, non voluisse id quidem: sed si voluisse, paruisse. Videtis quām nefaria vox: & herclē ita fecit, vel plus etiam, quām dixit. Hæc Cicero. Non minus peccavit Theseus, in Tartarum usque, Pirithoi sui causa sese inferens. Quōd multi, prō dolor! æmulantur, qui ne deserant amicum, deserunt honestatem, famam, salutem, cœlum, Deum, De Theseo Virgilius ab Ænea conspecto, sed tunc, cūm mortuus ille, nunquam amplius ad viventes rediret. 6. Æneid.

----- Sedet, æternūmque sedebit

In felix Theseus, Phlegyasque (e) miserrimus omnes  
Admonet, & magna testatur voce per umbras:  
Discite justitiam moniti, & non temnere Divos.

Addo ego: Discite, non in extrema vos pericula conjicere, hominūmque pluris favorem & amicitiam, quam Numinis æterni gratiam facere. Hic occurrit mihi, quod Lucianus in dialogo *Toxare* proponit amicitia paradigma duos inter juvenes, natione Scythes, quorum alteri *Amizoca*, alteri *Dandamidi* nomen facit. Ille à Sauromatis hostibus captus, cūm navi abduceretur, inclamavit abiens amicum, & foederis admonuit more patrio sanciti: sanguine scilicet è digitis ab utroque in calicem immiso, tinctisque prius gladiorum mucronibus, hausto. Quō Dandamis auditō, spectantibus omnibus, undis sese committit, classem insequitur natando, inque littus evadens, ad Ducem hostilem perducitur, séque vadēm pro amico offert. Lytrum postulatus, respondet, nihil sibi pretiosius esse oculis, hosce cupere se redemptioni charissimi capit is impensos. Homo barbarus cūm alia prædæ spes non esset, utrumque jubet ipsi erui, simūlque cum Amizoca dimittit, eodem facto crudelis & misericors. Reversi domum amici cūm essent, Amizoca omnia sibi cum Achate suo communia redditurus, etiam cæxitatis voluit esse particeps: geminum effudit sibi oculum, hōc charior futurus suo Dandamidi, quō similior. Facinus omnium plausu celebratum, decreti honores publici, & alimenta ex communi ærario suppeditata. Ingeniosius hoc finxit Lucianus, quām prudentius; est enim hæc cæca amicitia, & Scythico ingenio digna. Nam si officiorum paritas non ab animo modò, sed etiam à corpore petenda sit, neque luscus cum oculato, gibbosus cum recto, neque brevis cum longo, aut parvus cūm magno amicitiam inire poterit.

(e) Ixionis pater.

V, (f)